


't Kerkje van Ellesdiek



Oecumenische bieëênkomst
20 oktober 2013
“Een zalfje voe je ziele”



Uutleg bie de tēkenienge.

me meuge vertrouwe
van generasie op generasie
van eēwigheid toet eēwigheid
op liefde en genade

Jopie Minnaard.

Liturgie Ellesdiek 20 oktober 2013

Thema: "Een zalfje voe je ziele"

Urgelmuziek

(Ko de Visser)

Welkom

(Jan Minnaard)

(me gae stae)

Zienge

De blieschap briengt oans nae dit uus

1. De blieschap briengt oans nae dit uus
wan 't Woord gaet ier z'n gank.
God roept zien Naem over oans uut
dus briengt Um eêr en dank!

- 4 Is dit een plekke wir a oans
Joen emel open zie?
Briengt ier Joen iengel liefd' en troôst,
bluuf Jie oans aoltied bie?

- 5 Geef Jie oans ier een nieuw uitzicht,
bluuf bie oans mie Joe Naem.
Zet Jie oans in Joe louter licht
en zegen oans ier saem'.

6. Maek Jie oans arte vol van Joe
da me Joe Woord verstae
en 't as een wermen aevenddoek
om onze schoeren slae.

Durpelgebed

(Rie van Kleunen)

(me gae zitte)

Mie z'n vieren

LB 824 'k Vroeg an m'n dienken

*1 'k vroeg an m'n dienken
of a God bestoeng –
'k kreges as antwoord:
ik zou et nie wete.*

*2 'k vroeg 't an m'n voeten
allank onderweg –
die wiste ienkel
van pitten en poelen.*

*3 'k vroeg 't an m'n anden:
wat is t'r rontom –
die wiste ienkel
van raekende–misse.*

*4 'k vroeg 't an m'n oôgen
in 't deurgat op wacht –
die zagge ienkel:
et licht is 'eweke.*

*5 'k vroeg 't an m'n oaren:
– luuster! Ik oar',
'k wete van 't wonder:
zien wieze van spreken.*

Verhaal

Two eëmers (Marga van de Plasse)

Mie z'n vieren



Lezieng Psalm 103 (Clasien Rooze)

Zienge Tussentijds lied 56 vers 1, 4 en 6

1. Eêl de scheppieng, pries den Eêr!
Aol die werken, geef Um d' eêr!
Julder engelen in koor
"Gloria!", ziengt et me voor!

4. Licht en doenker, dag en nacht,
straffe winter, zeumer zacht,
ieder op z'n eigen tied
zieng voe d' Eêre een nieuw lied.

6. Aol wat a op d'aerde groeit,
wat a uutbot, wat a bloeit
is een vreêd moôi lofgedicht:
spiegel van zien Angezicht.

Mie z'n vieren LB 103e Ziele zegen zò

The image shows two staves of musical notation in 4/4 time, with a key signature of one flat (B-flat). The melody is written on a treble clef. The lyrics are written below the notes. The first staff has the lyrics: "Zie - le ze - gen zò d'n Eêu - wi - gen z'n Naem." The second staff has the lyrics: "Zie - le ze - gen zò Die a joe le - ven geeft." The music consists of quarter and eighth notes, with some rests.

Overdienkieng (Hannie Oele)

1. Vrede voe joe! Jie mag t'r weze
mie aolles wat a joe ier brienjt.
Alleênig of saemen mie aâre,
blie, mer ok a t'r soms wat vrienjt.
Mèns mie de mènsen – God is t'r bie:
vergevieng, nieuwe moed!
Ja, dat doe mènsen goed!

2. Jie kent oans aol, kunt oans begriep –
Jie, die a eêl de wèrld draegt.
Kom nì oans toe, leêr oans te leven,
leêr oans te zien wat a Jie vraegt.
Keêr oanzen kansen, geef levenstied,
zie op oans, klein en groôt,
zò da een ieder 't roôit.

Voorbeden

(Corry Verburg)

Oanze Vaoder

Oanze Vaoder in den emel
 Joe Naem wor 'eheiligt
 Je koninkriek za komme
 Je wil za geschiede
 zòwel in den emel as ok op d'aerde.
 Geef oans heden oans daegelijks broad
 En vergeef oans oanzen schulden
 Zòas oans ok vergeve die oans wat schuldig bin.
 En brienjt oans nie in verzoekieng
 mae verlos oans van et kwaeje.
 Want van Joe is et koninkriek
 en de kracht en de heêrlijkheid
 tot in eêuwigheid.
 Amen.

Mie z'n vieren

VL 542 Gezegend bin Jie

*Gezegend bin Jie om je wies 'eid
die a oans nie kunne zie,
dien drôôm di a Jie aoltied in glôôft
oaltied en in eeuwigheid:
da oans ôôit zulle worre
mensen in et volle licht.*

Collectes

D'n eêsten is voe de Wilde Ganzen en de twidden
voe de onkosten van de bieeênkomst. In september
was de opbriengst voe de Wilde Ganzen 163,37
euro en voe de onkosten 162,75 euro

(me gae stae)

Zienge

Gezang 44 vers 1 en 2

1. Dankt aollemille God
mie 'art en mond en 'anden,
die grôte diengen doet
ier en in aolle landen,
die oans van jongsof an
ja, van de moederschoôt
z'n vaoderlijken 'and
en trouwe liefde toônt.
2. Die eêuwig rieke God
meug' oans a in dit leven
een vrie en vrolijk 'art'
en echte vrede geve,
die eêuwig zurgt voe oans
d'r aoltied voe oans is
en 'ier en overaol
oans 'elpt a't moeilijk is.

Zegenbede

(me gae zitte)

Mie z'n vieren

LB 814 Wees 'ezegend

The musical score is written in 3/4 time with a key signature of one flat (B-flat). It consists of three staves of music. Above the first staff are the chord symbols F, C, F, C, F. The lyrics are: Wees 'e - ze___ gend, op pad en on - der - weg, wees 'e - ze___ gend. The first staff has a circled 1 above the first measure. The second staff has a circled 2 above the first measure. The third staff has a circled 3 above the first measure. The final note of the third staff is a half note with a fermata.

Slotwoord

De bieeênkomst is binnenkort te beluisteren via

www.ellesdiek.nl onder het kopje Oecumene